



Broj: 05-04-20-3140-6/26  
Maglaj, 24.07.2026. godine

Na osnovu člana 70., u vezi sa članom 64. stav (1) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3140-4/26 od 16.07.2026. godine, u postupku javne nabavke „Sanacija i rekonstrukcija nekategorisanog prosječenog puta 'Križanci' u Kopicama“, Općinski načelnik donosi

## **ODLUKU**

o izboru najpovoljnijeg ponuđača

### **I**

Prihvata se preporuka Komisije za javne nabavke i ugovor o nabavci radova na sanaciji i rekonstrukciji nekategorisanog prosječenog puta „Križanci“ u Kopicama dodjeljuje se ponuđaču „Ikan“ d.o.o. Zavidovići, u skladu sa ponudom broj 31-07/2026 od 20.07.2026. godine, po ukupnoj cijeni od 10.090,00 KM bez PDV-a, odnosno 11.805,30 KM sa PDV-om.

### **II**

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### **III**

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### **IV**

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

## **O b r a z l o ž e n j e**

Odlukom o pokretanju postupka, broj 05-04-20-3140-1/26 od 29.06.2026. godine, pokrenut je postupak javne nabavke „Sanacija i rekonstrukcija nekategorisanog prosječenog puta 'Križanci' u Kopicama“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-81-3-70/26 od 30.06.2026. godine. Sažetak obavještenja o nabavci objavljen je u „Službenom glasniku BiH“, broj 46/26.

Procijenjena vrijednost nabavke je 12.820,51 KM bez PDV-a, odnosno 15.000,00 KM sa uračunatim PDV-om. Kriterij za dodjelu ugovora je ekonomski najpovoljnija ponuda, sa potkriterijima „cijena“ (ukupno 98 bodova) i „rok plaćanja“ (ukupno 2 boda).

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, br. 05-45-1-1074/26 od 22.05.2026. godine i 05-45-1-1074-2/26 od 07.07.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene četiri ponude, prema redoslijedu zaprimanja kako slijedi:

| r/<br>b | Naziv ponuđača               | Sjedište ponuđača       | Datum i vrijeme<br>zaprimanja | Broj<br>protokola |
|---------|------------------------------|-------------------------|-------------------------------|-------------------|
| 1.      | “Ikan” d.o.o. Zavidovići     | Mečevići bb, Zavidovići | 20.07.2026. 08,19h            | 7300              |
| 2.      | “KM-gradnja” d.o.o. Tešanj   | Miljanovci 162, Tešanj  | 20.07.2026. 10,56h            | 7331              |
| 3.      | “Geo-put” d.o.o. Maglaj      | Poljice bb, Maglaj      | 21.07.2026. 07,23h            | 7359              |
| 4.      | “Dobojputevi” d.d. Doboj Jug | Usorska 130, Matuzići   | 21.07.2026. 08,13h            | 7366              |

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je sve ponude ocijenila prihvatljivim.

E-aukcija u predmetnom postupku nije provedena. Komisija je izvršila rangiranje prihvatljivih ponuda u skladu sa kriterijima i metodologijom utvrđenom u tenderskoj dokumentaciji.

Konačna rang lista, prema kriteriju za izbor ponude je sljedeća:

| r/<br>b | Naziv ponuđača               | Cijena<br>sa popustom<br>(bez PDV-a) | Bodovi po<br>kriteriju<br>cijena | Rok<br>plaćanja | Bodovi po<br>kriteriju<br>rok<br>plaćanja | UKUPAN<br>BROJ<br>BODOVA |
|---------|------------------------------|--------------------------------------|----------------------------------|-----------------|-------------------------------------------|--------------------------|
| 1.      | “Ikan” d.o.o. Zavidovići     | 10.090,00                            | 98                               | 30 dana         | 1                                         | 99                       |
| 2.      | “KM-gradnja” d.o.o. Tešanj   | 11.250,00                            | 87,90                            | 60 dana         | 2                                         | 89,90                    |
| 3.      | “Geo-put” d.o.o. Maglaj      | 11.890,00                            | 83,16                            | 60 dana         | 2                                         | 85,16                    |
| 4.      | “Dobojputevi” d.d. Doboj Jug | 12.722,16                            | 77,72                            | 60 dana         | 2                                         | 79,72                    |

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na sanaciji i rekonstrukciji nekategorisanog prosječenog puta „Križanci“ u Kopicama dodijeli ponuđaču „Ikan“ d.o.o. Zavidovići. Preporuka je, zajedno sa izvještajem o radu Komisije, dostavljena rukovodiocu ugovornog organa 24.07.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković

